

Avis

Organisaziun e restructuraziun da l'administraziun cumünala

Il capo orientescha cha in connex culla demischiun dal chanzlist ed actuar cumünal vegna restructurada l'administraziun cumünala.

La restructuraziun vain preparada d'ürant il mais mai e l'administraziun cumünala vain organisa-
da nouv a partir dals **1. gün 2002**.

In congual cul stadi actual cun 385% pensum da lavur, funcziuna l'administraziun cumünala,
nouv, cun 300% pensum da lavur per spordscher ün servezzan optimal a la populaziun.

Per amegldrar la funcziunalità da quists müdamaints vain installada tuot l'administraziun cumü-
nala incl. il silvicultur sül prüm plan. Là sta a disposiziun ün fanestrigl per tuot ils servezzans,
tuot las dumondas ed annunzchas.

I vegnan fats ün per müdamaints interns da fabrica e'ls uraris dal fanestrigl gnaran müdats. Quel
avis segua plü tard!

Ils impiegats cumünals survegnan seguaintas novas spartas da lavur:

Rico Zini - chanzlist cumünal: Correspondenza, protocols, cussagliaziuns, finanzas, persua-
100% pensum da lavur nal, fabrica (event. sclerir ün'otra soluziun), schef da sec-
ziun e scolaziun dal giarsun.

Men Werro - pulizist cumünal: pulizist cumünal, pulizia da fö, servezzan da telefon, fane-
100% pensum da lavur strigl, sector pumpiers, mess cumünal, sector pauril, protec-
ziun civila, taxas da cura/controla d'abitants, lavurs da
büro.

Roland Defilla – secr. d'impostas: tuottas impostas e chascha da cumpensaziun.
50% pensum da lavur

Patrizia Wieser - impiegada: lavurs da contagiari, controlla d'abitants, servezzan da tele-
50% pensum da lavur fon, fanestrigl, lavurs da secretariat, uffizi da lavur.

GiarsunA: Il Cumün as chatta in dovair da spordscher üna piazza da
giarsunA.

Il Cussagl cumünal

Publicaziun – Giassa tanter la Plazzetta e Saglina

Illa sezzüda dals 2 avrigl 2002 ha decis il Cussagl cumünal da serrar la giassa chi riva da la Plaz-
zetta giò Saglina cun ün impedimaint e da laschar be üna passarella indirecta per passar a pè ed
almain cul velo.

Chi chi ha problems cun quista masüra da sgürezza, po inoltrar al Cumün da Sent üna protesta in
scrit, a partir da la data da quist Mas-chalch infra ils prossems 20 dis.

Il Cussagl cumünal

Giantar cumünaivel > correctura

Mardi, 11 gün 2002, (impè dals 4 gün) a las 12.00 aint in Zuort.

Partenza a las 11.30 cun autos privats davent da Plaz. Chi chi ha ün auto dess far il bain da far a savair insembel cull'annunzcha quantas plazzas chi sun amo libras.

Annunzchas piglia incunter dna. Erica Clalüna, **fin 2 dis avant il giantar**, tel. 864 07 59 (da las 08.00 – 09.00 adüna a chasa).

Pravenda evangelica

Chüra d'uffants Engiadina Bassa

No tscherchain mammas da di per uffants da 2 fin 8 ons.

Per ulteriuras infuormaziuns sta gugent a disposiziun l'intermediatura: Leta Steck-Rauch, 7560 Martina, tel. 081/860 10 52 opür e-mail: steckrauch@tiscalinet.ch

Chüra d'uffants Engiadina Bassa

Società da tregants Sent

Il comitè giavüscha da comunicar seguintas datas da differentis tirs in Urezzas, cun üna **correctura**:

Til champester anticipà	marcurdi	15 mai 2002	18.00 - 20.00
1. tir obligatoric	venderdi,	17 mai 2002	18.00 - 20.00
Tir champester	venderdi,	24 mai 2002	18.00 - 20.00
Tir champester	sonda,	25 mai 2002	09.00 - 18.00
2. tir obligatoric	venderdi,	14 gün 2002	18.00 - 20.00
ultim tir obligatoric	sonda,	31 avuost 2002	14.00 - 17.00

Al tir obligatoric esa da tour cun sai il cudeschin da tir ed il fögl e l'invid da militar! Na invlidar il pro-tegia ureglias „Pamir“! Mincha tregant es svesa respunsabel dad esser a temp per pudair trar!

il comitè da la Società da tregants Sent

Di da la porta averta – chasa Schigliana 183

Quista chasa chi ha surgni d'üna giuria internaziunala l'utuon passà ün premi sco ,buns fabricats in Grischun' ha svaglià pro divers da nossa populaziun ün grond buonder, causa chi nu's vezza in passond daspera la chasa via, ingüns müdamaints.

Illa chasa as chatta l'abitaziun e l'atelier da l'artist figurativ Christof Rösch. El s'occupa d'asper l'art cun art da fabrica e maina il center da cultura ‚NAIRS, art in Engiadina Bassa‘. Dürant la stagiun ota vegnan fittadas parts da la chasa. In temps plü quiets vegnan invidats artistAs da la fundaziun per artists Willy Hans Rösch a lavurar illa chasa.

In sonda, 15 gün 2002, da las 13.00 fin 17.00 rivin nus las portas ed invidain a tuot ils interessats da tour suot ögl la chasa transmüdata.

**Helen Rösch-Schneller, Ursina Roesch,
Anita Rösch-Egli e Christof Rösch**

Gitas accumpagnadas in Engiadina Bassa

Per tuot las persunas sur 55 ons chi sun bain in chomma, aman la natüra e vöglian giodair la cumpagnia, vegnan organisadas quista stà plüssas gitas cun manaders:

<u>1. gita:</u>	Gövgia, 4 lügl 2002	Cinuos-chel – Brail – Zernez	ca. 3 uras
<u>2. gita:</u>	Gövgia, 18 lügl 2002	S-charl – Plan d'Immez – Tablasot – S-charl	ca. 3 uras
<u>3. gita:</u>	Gövgia, 8 avuost 2002	Zuoz – Alp Belvair – Madulain	ca. 3 uras
<u>4. gita:</u>	Gövgia, 22 avuost 2002	Susch – Nudigls – Suot Chastè, fin Nudigls transport cun tractors	ca. 2 uras
<u>5. gita:</u>	Gövgia, 5 settember 2002	Ramosch – Alp Discholas – Prà Guin - Tschlin fin Alp Discholas transport cun tractors	ca. 3_ uras
<u>6. gita:</u>	Gövgia, 19 settember 2002	Vastur – Sent	Motta Naluns – ca. 3_ uras

Per infuormaziuns detagliadas ed annunzchas stan a disposiziun: Irma Egler, 081/862 27 24 o Simon Viletta, 081/862 27 77.

(Ulteriuras infuormaziuns vair illa chaista da publicaziuns in chasa cumünala).